

Б. (КАРАГ)

В-427 БОРЛАКЪЛАНИ Т.

17054

# НАСЫБЛЫ ДЖАШЛЫКЪ

(СТИХЛЕ)

МЪАРОБЛАЦИЗДАТ МИКОЯН-ШАХАР

1934 дж.



БОРЛАКОВ ТОХДАР

с (кар. яз.) 2

Б 25

# СЧАСТЛИВАЯ ЮНОСТЬ

(СТИХИ)

Карач. 1974 д

Карачаево-Черкесская  
Область  
Библиотека

КАРАЧАЕВСКОЕ ОБЛАСТНОЕ НАЦИОНАЛЬНОЕ ИЗДАТЕЛЬСТВО  
МИКОЯН-ШАХАР—1939 г.

## ЛЕНИННИ ПАМЯТНИГИ.

Лениннѐ тенъликке уллулукъ бла джетмейди бир зат,  
Ленинизм джарыкъды кѐкде алтын кюнден,  
Учсуз акъылы миикди кѐкледен  
Эмда теренди тенъизледен.

Ленин джашайды миллион джюрекледе,  
Джазгъы кюн таякъча, суююмлю джарыта,  
Учундуруб чакъырады хар кюнде хорламгъа  
Джашауу джарыкъ чырагъы, Ленинизм, алгъа.

Ленин бла ёлюм къанлы джаудула,  
Кюнню от таягъын тенъиз да джукълатмаз.  
Ленинни от джюреги тебед халкъны кѐкюрегинде,  
Ленин—халкъды, партияды, Ленин хорланмаз.

Ленинни джарыкъ къаны бѐркеди саныбызда,  
Хар бир кюнде джангъы къарыу къоша,  
Джюрегибизни джаугъа къаршчы ачыусатыб,  
Чакъырады бизни хорламлы арт уруша.

Лениннѐ ёлюм джокъду джерде. джашау барда,  
Ленинизм джарытханды джерни алтыдан бирин.  
Ленинни аты джазгъы кюнден суююмлюдю  
Бютеу джерде эзильген урунъанлагъа.

Джаздача джасамма чакъгъан джуртубузда  
Лениннѐ сыйлы памятник—социализм,  
Ёмюрлюкке Лениннѐ алтын памятник,  
Бютеу джерде боллукъ—коммунизм.

## СТАЛИННЪЕ.

Сенсе бизни кюнлюбюз  
Кече кюн да жарытхан,  
Сау дуняда урунъанланы  
Тюз джолларын танытхан.

Совет джуртда хар миллетге  
Бир джюрек къан иеди,  
Партияны жарыкъ кюню  
Бизге эркин тиеди.

О, Сталинибиз, кѣб джаша,  
Халкъгъа эркинлик бергенсе,  
Жарыкъ джуртда урунъанланы  
Бир юйюрча кѣргенсе.

Кѣкде толгъан ай кибик,  
Бизни жарытыб тураса,  
Ленинчи къурч большевик  
Джауну къаты ураса.

Сени ѣтгюр аскеринъ  
От чачады джаулагъа,  
Терен, кесгин сѣзлеринъ  
Келеди Кавказ таулагъа.

Сени ѣхдем таушунъ  
Чачыратады джауланы,  
Сен ѣсдюрген илячинле  
Хорлайла кѣкню, хауаны.

Ўмюрлюкке джукъланмазлыкъ  
Дуняны жарыкъ чырагъы,  
О, Сталинибиз, кѣб джаша  
Кѣзлерибизни жарыгъы.

Эркин закон Конституция  
Халкъгъа кюнча тиеди,  
Ненча миллет къуаныб  
Сеннѣ салам иеди.

## ЛЕНИНЧИ ДЖАШ АСКЕР.

Мени кѣз джилтиним  
Джарыкъ джанады,  
Комсомол, сенде  
Табыб кьонуш.  
Ыхдырмагъанды,  
Букъдурмагъанды,  
Сени джангъан от,  
Не уруш!  
Ёзен тубанча,  
Къайнаб чыгъады  
Джаш джюрекден  
Къуанч талпыу,  
Сени ишинъди  
Ёхдемлик, джигитлик,  
Сени ишинъди урунуу, окъуу.  
Ленинни от джюреги  
Кѣкрегинде ургъан,  
Ленинчи туудукъ—  
Джаш Ленинчиле!  
Ленинни билими ангъында сакълангъан,  
Сизсиз,  
Кѣкке  
Тулпар илячинле!

Ленин суйгенди  
Халкъны джаныча,  
Халкъ да сюеди  
Ленинни артыкъ.  
Ол джашарыкъды  
Джашау бла бирге,  
Анъа джокъду  
Не ёлюм, нѣ къартлыкъ.  
Батыр комсомол—  
Ленинни джаш аскери—

Октябрны эгиз-тенъи,  
Сени бла къызыл нюр джанад  
Джаш тѣлюню  
Кѣкюрек кенъи.

Ленин джакъгъан  
Уллу шынъкъартны  
Ленинчи тѣлю  
Талпыб юргенбиз.  
Къызыл къан бла  
Тюзлени сугъарыб,  
От боран бла  
Джаулары сюргенбиз.  
Тобну аузу  
От кѣмюк  
Этгенди,  
Пулемѣт джаныб, сѣлешгенд,  
Ленинни сѣзю  
Джюрекде къайнаб,  
Эркинлик ючюн  
Комсомол кюрешгенд.  
Тулпар буунда  
Джити къурч сюнъю  
Отсузлай тишлик тишлегенд,  
Ленинни ишинден,  
Таушундан  
Джер къалтырагъанд,  
Кѣк кюкюрегенд  
Ленинни „алгъа“  
Деген сѣзю  
Комсомол джюрекни  
Къылышча  
Билейди,  
Къурчдан иильген  
Партия бла бирге,  
Джуртумдан кирни  
Комсомол кюрейди.

Къурчдан къуюлгъан,  
Окъ къатылмагъан,  
Ленинизмди комсомолгъа кюбе;  
Ёхдем комсомол,  
Тинт тийгенинъи,  
Джаўну кюйдюр, кюре,  
Бизни джюрегибизни  
Хар тамыры  
Ленинизм бла  
Кючлю кийинибди,  
Джуртубузну хар джерине  
Ленинни кюню  
Бирча тийибди.  
Бизни джюрегибиз  
Сталин бла биргеди,  
Аны деу джюреги бла  
Бирге тебеди.  
Совет джурт  
Дуня Океанда  
Биринчи Социалистический кемеди.  
Ол кемени  
Рульун бурады  
Великий Сталин-капитан.  
Аны тюбюнде суу кёмюк болуб,  
Джукъланлыкды  
Къанлы фашизм—капитал.  
Газдан джелим  
Ичиб къара булутла,  
От халы ириб кюкюрерле.  
— „Сталин“ — деген,  
Ётгюр таушдан  
Мурдар фашистле титирерле.  
Сенсе, джашаўну  
Гоккасы, комсомол,  
Сенсе, джуртуму ётгюрю,

Бизни джюрегибиз  
Къызыл нюр джанад  
Татлы джылытыб  
Сталинни кюню.

### ЛЕНИНЧИ КОМСОМОЛ.

Мен ышарама, къуанама,  
Джашлыкъгъа къаш кериб, джарыкъма.  
Джаш тѣлюню джарыкъ атындан  
Комсомол джюрекни джырларыкъма,  
Мен джырларыкъма, джырлагъан чакъда,  
Джарыкъ джыр сѳгъуб джюрек къылларым.  
Айтыгъыз мени кѣлюню халкъгъа.  
Эркин тѣгюльген, джюрек джырларым.  
Биз туугъанбыз джаннъан отну  
Мыдыхында-джаннъанында,  
Тюшмез совет джурт, тюшмез эркин халкъ  
Энди къайтыб капитализмни тузагъына.  
От кюрек бла биз кюрейбиз  
Къан эмиучю джыланланы,  
Тенъизге балыкъбыз, кѣкке илячинбиз  
Ленинни комсомол уланлары.  
Тутса да дуняны къара кече,  
Аны алтын кюн къоратыр,  
Джануарланнъан уу фашизмни,  
Бириккен темир къол уатыр.  
Алса да кѣкню къоргъашын булут,  
Биз булутлада шыбылача джюрюрбюз,  
Къурч къушлада, танка атлада  
Тулпар джюрекден урушха кирирбиз.  
Сталинни сѣзк бизни ѳтгюрлейди,  
Сталинни иши бизни джитилейди  
Тамырын кюйдюрюрге джылан уяны.  
Биз сослан къаябыз,  
Бармыды къарыуу джелъни  
Чачаргъа совет джуртну—сослан къаяны?..

Сталинни сѣзю ышартад джерни  
Эм кюкюретеди джарыкъ, чуакъ кѣкню,  
Сталин бизге „игиди“ дерча  
Кючлю сакълайыкъ биз совет чекни.  
Комсомол тенъим, биз билейик  
Ойната къолну кылычда, наганда.  
Бир адамча хазыр болайыкъ  
Джюздюрюрге джауу къанында.  
Комсомол тенъим, джюрегим-баурум.  
Бизни джырыбыз кѣкча джашнасын,  
Класс кюрешде бизни ѳсдюрген,  
Алтын джашлыкъны бизге берген,  
Барыбыз скойген Сталин джашасын!

### НАСЫЪЛЫ КЪЫЗЛА.

Тышырыу тѣлюню II-чи сѣздин саугъалайма.

Джюрек толу учсуз къуанчны  
Джазаргъа учунад къаламым,  
Кюн джарыкъча, инакъ барсын  
Мени сизге комсомол саламым.

Халкъымы къуанчы къанымда къайнаб,  
Мени джырларыма куюлад,  
Кюн джарыгъы бетигизде ойнаб,  
Джуртум сизге къуанад.

Алгын джыламукъ тѣккен кѣзледен  
Бюгюн кызыл нюр тамады,  
Джаш кѣкюрекде татлы сѣзледен  
Джюрек насыб да джанады.

Джарыкъ кюнден джарыкъды, эгечле,  
Джашагъан джуртда кюнюгюз,  
Бетигизде таймай ойнайды  
Сююмлю кызыл нюрюгюз.

Мени комсомол эгечим джуртумда  
Къанатлы киби́к сен бошса,  
Джаз майда чакъгъан гокка хансча  
Сен джанаса эм джашса.

Тенъизге чабакъ, кёккe илячин  
Мени джигер эгечим,  
Класс кюрешни биз бардырлыкъбыз  
Коммунизм джерге къулач кергинчин.

Халкъ къан тегъуб алгъан джуртубузгъа  
Салдырмазбыз фашизмни тырнагъын,  
Къызыл Москвагъа, бютеу къралгъа  
Биз тийдирмезбиз джау́ну аягъын.

Комсомол эгечим, джюрегим-баурум,  
Джырыбыз бизни кёкча джашнасын,  
Алтын джашлыкъны бизге берген,  
Класс кюрешде бизни ёсдюрген,  
Барыбыз суйген Сталин джашасын!

### ЧЕКЧИ ЗАУРНУ ЗАРИЯТХА ПИСЬМОСУ.

Джюрек толу, тенъиз къуанчны  
Джазаргъа учунад къаламым,  
Джазгъы кюнча джарытсын сени  
Къызыласкерчи саламым.

Мен совет джуртну сакълайма ариу́м,  
Тулпар атымы белинде.  
Халкъымы къуанчы ойнайды, ариу́м,  
Мени джюрегимде-кёлумде.

Мен, кез джилътинимча, сакълайма, ариу́м,  
Сыйлы джуртуму чеклерин,  
Ана джуртум—джюрегимди-баурумду,  
Мен анъа иймезме фашизм итлерин.

Мени, кез чырагъым-багъалы Зариятым,  
Окъууда, иште алчы бол,

Алтын джашлыкъда бизни ёсдюрген  
Ленинчи ёхдем комсомол.

Ала кёзлеринъден кюн жарыкъ тиеди,  
Узакъ совет джуртда мени джюрегиме,  
Алтын кюнню тубюнде сени сайлагъанма  
Джашау джёнъерге кесиме.

Мен адамлыкъны суймейме чырайдан,  
Джаш тёлуге акъыл, билим керекди,  
Хар бир хорлам акъылда тохдайды,  
Акъыл ёмюрлюк хурма кёгетди.

Мен адамлыкъны кёреме акъылда  
Эмда батырлыкъда, джигитликде,  
Сени сайлагъанма пахмунъдан-халинъден,  
Джашау нёгерге ёмюрлюкке.

### ИСПАН ДЖАШЧЫКЪ.

Къара боран, ач джаллыча хыны улуб,  
Къар бурчакъланы элей эди джельде.  
Ата-ана баурундан айырылыб,  
Бир ёксюзчюк джылай эди тау эльде.

Суукъдан санчыкълары балыкъча къалтыраб,  
Зыккылындан кёрюне эди кымыжасы,  
Юч кюнню джукъ къабмайын абызыраб,  
Бузларгъа джетген эди сабий къаны.

Къолчукъларын къойнуна салыб, джылыта,  
Барды, къалтырай бир уллу юнню аллына,  
Къакъды эшикни, къонуш излеб башына,  
Къойса—деб, эшигини артына.

Чыкъды фашист джалкъасын къайырыб,  
Юй аллында ол джашчыкъланы кёрдю:  
— Ит кючюкке джокъду мында къонуш—деб,  
Джашчыкъланы бетчигине табанны берди.

Сютю къатыш, кызыл къаны кыюлду,  
Тамчы-тамчы кёкюрекчигин джууб,  
Кёзчюклери джилтин кёре, тентиреб,  
Ауду кьаргъа джашчыкъ баурланыб.

Кёрюндю кёзюне темир кыушладан  
Элдерине от, джанъур, тютюн джауъгъаны,  
Сабийле, кьартла тютюннёе, чарсха кьаты-  
шыб,

Юйле, баула джау чыракъча джаннъаны.

Ачы суукъ санларын бузлатыб,  
Джашчыкъ джерни тырнаб, керильди-созулду,  
— Ой, анам, кьабырынъда кьойнунъа ал—деб,  
Анасы кёзюнден кетмей, сёзю тыйылды.

Танъ атды кьашларын хыны тюйюб,  
Кюн да мыдахланыб тауланы джарытды,  
Къанлы фашист джашчыкъны арбазда табыб,  
Ёлюкчюкню багушха атды.

### М. Ю. ЛЕРМОНТОВГЪА.

Джууулгъанды Россия батмакъдан, кирден,  
Сюртюльгенд мурдарлыкъны ырхым ызы,  
Алтын кюрен тартыб узакъдан, кенъден  
Джарыкъ джанад Кремльни кызыл джулдузу.

Патчахлыкъда санъа кьонуш ёхдем Кавказ таула,  
Тюрленнъендиле джанъылыкъда кийиниб,  
Сеннёе „Итге ит ёлюм“ деген къанлы джаула  
Къорагъандыла ленинчи отда кюйюб.

Байрон, Пушкин—сен суйген поэтле,  
Сенича джашайдыла халкъ бла бирге,  
Сени киби зоргъа кьаршчы эрге,  
Ёмюрде да джокъду мадар ёлюрге.

Сени джарыкъ кызыл кыанынъ бла  
Джууалмады артыкылыкъ кесини кир кыанын,  
Ленинчи партия уруннъан халкъгъа  
Джашнатханды джашауну джарыкъ танъын.

### МЕНИ ШАХАРЫМ.

Къарайма сенинъе, джаш сахарым,  
Кемсиз суйюб, кыуаныб,  
Алтын кюн да нюрюн себеди  
Сени инакылаб, ышарыб.

Айтчы, тенъим, джюрек къалырма,  
Бу суйюнчге кыуанмай,  
Кёкюрек толу терен кыуанчын,  
Джыргъа салыб джырламай?

Кюн джарыкъча, учсуз кыуанч  
Ойнайд халкъны бетинде,  
Къарачы, тенъим, сахарыма,  
Насыб джашнайды ичинде.

Мермер санлы джаш сахарым  
Джылтырайды, чагъады,  
Сукъланч кельбет салыб джуртума,  
Накъут-налмазча джанады.

Тёгереди кюмюш таула,  
Джашнаб, чакъгъан джайлыкъдан,  
Насыблыды мени халкъым  
Окыуудан, билимден, байлыкъдан.

Сыйлы Сталин бергенди сени  
Суйген халкъыма саугъагъа,  
— Хар бир ишде сен да ёс—деб,  
Унугъуу чеккен таулулагъа.

Джаз эртденде шуулдайла  
Субай ёсген тереклеринъ,

Халкъыма эркин чачылалла,  
Окъуу, билим кѣгетлеринъ.  
Халкъны къуанчы къайнайды сенде,  
Джуртуму джюреги-бауру,  
Кюн таякъча кѣз къаматады  
Сени сеир ариулугъунъ.  
Ёмюрлеге ёсюб джашна  
Эркинликни саугъасы,  
Кѣб джашасын сыйлы Сталин—  
Джуртну оюлмаз къаласы!

### АНА ДЖУРТУМ.

Мен сюеме ана джуртуму  
Сеирлик джюрек суююуден,  
Эркин джашагъан хар миллетни  
Сталинни джарыкъ кюнюнде.  
Ышарыб тийген джазгъы кюнча,  
Джылтырайды суююмлю джуртум,  
Ёрлюк алыб, ара мюлькю  
Къучакълайд тауну эм сыртны.  
Сюеме джуртуму, сеир суююуде  
Табхан анамы суюгенча,  
Сыйлы Сталин джол кѣргюзеди  
Алтын кюн кѣкден тийгенча.  
Джокъду дуняда джанъыз бир кърал  
Мени джуртума ушагъан,  
Хар миллети къарнашыкъда  
Насыблы болуб, джашагъан.  
Къурч атланы, темир ёгюзлени  
Улутабыз данъыл тюзледе,  
Шыбыла лампала джарыкъ джаналла  
Къуанчлы колхоз элледе.  
Джаз гокка хансча, джашнаб чагъады,  
Къуанч джашаулу кенъ джуртум,

Колхоз малладан джасалады  
Колхоз джайлыгъым, хар сыртым.

Джарыкъ джашаулу сыйлы джуртум  
Джылтарайды-джашнайды,  
Къанлы джауну уруб къаушатыб,  
Ичибизден кенънъе ташлайды.

### ТУУГЪАНСА ЁЛЬМЕЗГЕ.

Уллу мыдахд, бюгюн сени эскериб,  
Совет джуртну халкъы, хар бири,  
Мурдар къолдан джукъланнъанды деб,  
Уруннъанланы джулдузларыны бири.

Сен ёлюб арабыздан кетсенъ да  
Джюрекледе ёмюрлюкке турлукъса,  
Ишинъ бла кюн тийгенча джарытыб,  
Биргебизге коммунизм кърлукъса.

Джюреклени ачы бушуу кемириб,  
Ётгюрлениб, джауъга кючлю демлешебиз,  
Сени ёльгенинъ бюгюнда бек сагъайтыб,  
Партиягъа кючлю бирлешебиз.

От джюрегинъ тембейин тохдаса да  
Кёзлеринъи кюн джарыгъы джукъланса да,  
Сени къанынъ саныбызда ойнайды,  
Эркин халкъынъ алгъа ёсед, хорлайды.

Алтын кюнча джарытыучу Кировну  
Кирпиклери кызыл къандан джабылды,  
Сталинни соратнигин ёльтюрген,  
Сатлыкъ фашист ычхынмай табылды.

Уруннъан халкъ бары бирден титиреб,  
Бушуу бла сени арагъа алдыла,  
Сыйлы Сталин тюз башынъда сюелиб,  
Кремльде ёмюр юйге салдыла.

Миллион халкъ толкъун къобуб-чамланыб,  
Ант этди, айтды джюрегин-кёлюн,  
Чыкъды аўазы, шыбыла ургъанча, таушланыб:  
— Фашист мурдар агентлеге—ит ёлюм!

Джокъду ёлюм Сталинский большевикке,  
Ол джашайды, ишлей, кюле биргебизге,  
Джуртубузну кюн тийгенлей джарытыб,  
Тууѓъанд Киров ёмюрлюкке ёльмезге.

### 1-чи МАЙЃЪА.

Алтындан да джарыкъды сени бизге кюнюнъ,  
Хорламлагъа учундурады, кючюн къызыл нюрюнъ,  
Хорлаб дженъед совет халкъ Ленинни ишинде,  
Къанлы джаўну кечимсиз кюйдюреди ичинде.

Халкъла суйген Сталин, кюнча джарытады,  
Ленин кеси этгенча, ишни бардырады,  
Къурчкъадамады чегибиз, иймезча джаўну бирин,  
Кёб джашасын совет джурт, Къызыл Аскеринъ!

Ленинни большевик къаны къайнайды джюрегибизде,  
Совет халкъны ётгюрлеб класс кюрешге,  
Совет кърал ёсюб байлыкъ бла джашнайды,  
Эркин чакъѓъан совет халкъ насыблы джашайды.

Тыш къраллада ишчи халкъ, тенъизча чайкъалыб,  
Чыѓъалла орамлагъа, къызыл байракъла алыб.  
Къоргъашын джанъур джаўады аланы юслерине,  
Минъ-минъ ёлюк къалады фашист аякъ тюбде.

Джашаўну фашизм къабыргъа къуўады,  
Мадрид орамланы къызыл къан джуўады.  
Бычакъ джара сынайла къоюнда сабийле,  
Къан бла джыламуќъда саркъалла анда кюкле.

Миик тут, ишчи халкъ, байраѓъын Ленинни!  
Оракъ, чёгюч джарытыр Парижни, Берлинни.

Хар къралда джанар, Ленинизм—алтын кюн,  
Коммунизм къучакълар бютеу джерни юсюн.

### ПРИЗЫВНИКНИ ДЖЫРЫ.

Ана джуртум, гокка хансча джашнайды,  
Техникада, ара мюлькде ёр алыб,  
Тюзлерими фабрик, завод джасайды,  
Хар бир мюлькю джанъылыкда къуралыб.

Ёседиле кенъ джуртумда сахарла,  
Тау тюбледе, ёзенледе, тюзледе,  
Шыбылала джарыкъ тёгюб джаналла  
Бюгюн колхоз къучакъ керген элдеде.

Кёк хауагъа сеир джолла ачабыз  
Джер юсюнде адам улу бильмеген,  
Буз полюсха къызыл байракъ чанчханбыз,  
Ёмюрюнде адам аякъ кирмеген.

Совет кърал батырлыкъны анасыды,  
Ёседиле кенъ кьойнунда геройла,  
Чкаловну, Громовну алларын  
Тыймайдыла буз къаяла, бугъойла.

Окьюу-билим кенъ джуртумда бек ёсюб,  
Байлыкъларын баямлайбыз тауланы,  
Партияны тегерегине бирлешиб,  
Эзирегебиз уу джыланлай джауланы.

Къызыл Аскер совет чекни сакълайбыз,  
Киши джерге зорлукъ этиб кирмейин,  
Къанлы джауъга джауаб берирге хазырбыз,  
Джуртубузгъа бир атламы иймейин.

### СТАЛИНСКИЙ ГЕРОЙЛА.

Бютеу дуняны кюнча джарытыб,  
Совет кърал хорламгъа джетебиз,

Карац. 1974



Кёксюль кёкде кьурч кьушла улутуб,  
Булутланы джырыб-джырыб ётебиз.

Кёк хаўада Сталинни сыйлы атын  
Кьурч кьушла бла тизгинлешиб джазабыз,  
Миикликке, дженъилликке учаргъа  
Кьралланы бютеу барын озабыз.

Кельмейди бизни кёлюбюзге бир кьоркьуу,  
Тыймайдыла буз тенъизле, бугъойла,  
Биз ишлейбиз, кюрешебиз кьамамай  
Ана джуртха—Сталинский геройла.

Биз—Сталинский совет геройла,  
Кёкде сеир джолла ачханбыз,  
Аякъ кирмеген буз полюсха  
Ана джуртну биз байрагъын чанчханбыз.

Кьурч кьушла турналача тизилиб,  
Кьар таўланы башы бла аўалла,  
Парашютла кёк хаўада тозураб,  
Кьар бурчакъча, учсуз кёкню джабалла.

### СТАЛИНЧИ ЁМЮРНЮ ТЫШЫРЫУНА.

Тышырыула Сталинчи ёмюрге  
Хар бир ишде джигер юлюш аалла,  
Техникада эмда ара мюлькде  
Стахановчу ударникле болалла.

Мария Демченкоду миик мюрзеу битдирген,  
Сабанланы джигер сюрген,  
Тышырыуну ишлер кьююн танытхан,  
Сыйлы орден кёкюрегин джарытхан.

Кёк бошлукъда Каминева Нинады  
Темир кьушда илячинча ойнагъан,  
Парашютну кёк хаўада агъартыб,  
Кёз кёрмеген миикликден чынъагъан.

Тышырыўла тенъизледе джюзелле,  
Кемелеге толкъунланы джардырыб,  
Къыш суукъда къар таўлагъа минелле,  
Джигерликни хар бир иште танытыб.

Джылтырайла, чагъалла, джашнайла,  
Къуанчлылла бу насыблы джашаўда,  
Джарыкъ джаннъан джулдузлагъа ушайла,  
Джарыкъ кюнлю Сталинчи къралда.

Кёб джашасын Ленинчи партия  
Хар миллетге бирча тенълик берген,  
Тышырыўланы да эркин этиб,  
Джарыкълыкъны эшиклерин кенъ керген.

Бирлик кючден джер тегерек къалтыраб,  
Къраллада хар уруннъан къозгъалыр,  
Фашист зордан тышырыўла къутулуб,  
Къызыл байракъ хар къралда къызарыр.

### СУЛЕЙМАН СТАЛЬСКИЙГЕ.

Терен ахсынады, ёльгенинъи эшитиб,  
Сыйлы джуртну къызы эм джашы,  
Бюгюн джукъланнъанды дейдиле  
Дагъыстанны джарыкъ джырчысы.

Сен ёлюб арабыздан кетген эсенъ да  
Назмуларынъ ёмюрлюкке турурла,  
Уруннъан халкъгъа терен синъен джырларынъ  
Уллу сыйда джарыкъ джырланырла.

Литератураны ёхдем булбулу  
Джюрекледен ёмюрлюкке турлукъса,  
Ёльмегенсе, ишинъ бла джашнай-джана  
Бизни бла коммунизмни къурлукъса.

Сен джырлаенъ ышарыб,  
Совет джуртда эркинликке къуаныб,

Азатлыкъны джарыкъ кюню Лениннъе,  
Джуртубузну кюн джарыгъы Сталиннъе.

Кёкюрегинде Ленинни ордени  
Мыдахланыб бюгюн мутхуз джанады,  
Ётгюр таушлу аламат джырларынь  
Ёмюрлюк памятник болуб къалады.

Чыкъмайды сазаны\* джарыкъ таушу,  
Джукъланнъанды кёзлеринъи джарыгъы,  
Къанлы джауѓъа къаршчыланнъан хар джырынъ  
Коммунадады бютюн джарыкъ джанары.

### МЕНИ РЕСПУБЛИКАМ.

Халкъ къуанчы къайнаб къанымда,  
Тенъим, мен да къуанчлыма,  
Халкъымы, республикамы къуанчын  
Джюрекден талпыб джырлайма.

Сюеме халкъымы, сюеме республикамы,  
Сюююню джазаргъа джегмейд къарыуум,  
Табхан анамча багъалыды халкъым,  
Республикам—джюрегимд-баурумд.

Мени джюрегимде халкъым бла бирча  
Къызыл нюр ойнайд эм джанад,  
Кёкден тийген алтын кюнча  
Джарытыб, Сталин ышарад.

Сыйлы Сталинди къара кечелени  
Насыблы джарыкъ кюнле этген,  
Айырылмаз къарнаш этиб миллетлени  
Кюнден-кюннъе хорламгъа эльтген.

Кюн алтын джабыу джаяд тюзлериме,  
Кемеле булутла этелле тенъизлерими,  
Къурч танкала сакълайла чегими,  
Къурч къанатлыла джабалла кёгюю.

Республикама, он тенъ къарнашы  
Джюрекден жарыкъ тауш берелле,  
Барыбызны да Сталинди кюнубюз—деб,  
Къуаныб, суйюнюб, къашларын керелле.

Халкъгъа багъалы бу сыйлы къуанч  
Алтын харифле бла джазылыр,  
Ёмюрге болуб жарыкъ, сукъланч  
Тюзлюго бла танылыр.

### ТАМБИЙ КЁЛЬ.

Жарыкъ кюн алтын кирпичлерин  
Данъыл тюзлеге кенъ джаяд,  
Бештаудан къакъгъан салкъын джелде  
Тамбий кель шулдайд, чайкъалад.

Мен турама кельню джагъасында  
Данъыл тюзлеге кенъ къараб:  
— Айтчы, тенъим, къара ёмюрде  
Ненча жарлы джашау ашырды джылаб?

Мен джазама джазыу чакъда  
Джашауда кертини, тюзню,  
Джанъыз совет халкъны джашауду  
Эркинликни кёргюзген кюзю.

Минъи-Тауда узакъдан къарайды  
Акъ эринлерин ышартыб,  
Тюзлени кемеси комбайн барады  
Данъил тюзлени къаралтыб.

Айбат тюзледе танъ бельги береди,  
Ала кёзлери кюле, ойнай,  
Комсомол бригада ишге киреди  
Сыйлы Сталиннъе джыр джырлай.

Танъ кёк дарийден джабыу джаяды  
Танъ аласында джулдузлагъа,

Мен сукъланама нѣгер болургъа  
Джигит джашлагъа, джигер къызлагъа.

Мени джырымда суймекликча татлыды,  
Халкъымы джашауу, иши.  
Халкъым меннѣ атады-анады,  
Неден да уллуду халкъымы кючю.

Мени суймеклигим халкъыма тенъизди  
Джаш джюрегими теренинде,  
Бизде хар миллет кърнашды, эгизди  
Сталини кюнюню тубюнде.

### МЕННѢ СЫЙЛЫДЫ.

(Призывникни сѣзю)

Мен джерлейме къара атымы,  
Берчи анам, башлыгъымы,  
Къызыл Аскерде мен кѣргюзюрме  
Джигитлигими, джашлыгъымы.

Джер джашлыгъы джашилъ джазды,  
Бизде джашлыкъ андан джарыкъды,  
Джюрегим этген муратын  
Къызыл Аскерде табарыкъды.

Берчи, анам, къара джамчымы,  
Акъ хазырлы чебкеними,  
Комсомол джюрекден мен сакъларыкъма  
Къурч къадама чеклерими.

Меннѣ багъалыды, меннѣ уллу сыйды  
„Къызыласкерчи“ мени атым,  
Тулпар атым тебсеб талпыйды,  
Олду мени джерде къанатым.

Мен ёсгенме ат белинде,  
Усдама атха, таулагъа,

Мен ат белинде джуаб берликме  
Джуртха чабхан къанлы джаулагъа.

Мени кёзлериме кюн джарыкъ тиеди,  
Къаным фонтанча урады,  
Сталин кёргюзгенча джурт сакъларгъа  
Джюрек суюмекликде джанады.

Суюмекликден татлыды, балды  
Халкъым меннѐ салгъан сыйлы борчум,  
Тенъиз толкъунча учсуз ташыйды  
Джюрек толу насыб къуанчым.

Мени белимде булат къылычым,  
Ол къамамай джау ну кесерикди,  
Атхан огъум джерге тюшмейин  
Джау ну къанын тегерикди.

Ала кёзлерим кирпич къакъмазла  
Шкок, пулемѐт джанында,  
Мен ана джуртха тюз боллукъма  
Къаным тохдагъынчы санымда.

Халкъымы шохлугъу къан бла санча  
Татлыды, ол ёмюрлюкке айырылмаз,  
Къызыл Аскерим асланды-деудю,  
Къанлы фашизм анъа чыдамаз.

Мен Октябрь бла тенъ туугъан улан,  
Сакъларма ол берген эркинликни,  
Ахыр тылпыугъа дери кюреширикме  
Къурутхунчу джерде артыкълыкъны.

Сау къалыгъыз атам бла анам  
Эмда халал тенълерим,  
Джюрекден суюген кёз джарыгъым,  
Ёмюрлюк джашау негерим...

## АНАНЫ СЁЗЮ.

(Къызыласкерчи джашына).

Джюрек кельтюрюлюб къуанчдан  
Окъуйма письмосун анамы:  
— Комсомол джашым, сенъе джазама  
Къолума алыб къаламны.

Комсомол джашым, мен къарт болгъанма,  
Агъаргъанды мени къутас чачым,  
Къартлыгъымы унутдургъанды,  
Джюрек толу учсуз къуанчым.

Сенъе джыйырма джыл болду, джашым,  
Комсомолгъа да джыйырма джыл,  
Ана джюрекни сизни суймеклигин  
Айталмаз толу джанъыз бир джыр.

Сен кёрмегенсе къанлы ёмюрню,  
Сен сынамагъанса аны ачыуун.  
Мен чайнагъанма кюльню-кёмюрню,  
Сынагъанма эсгиликни ууун.

Къара эмюрде бизни джашлыгъыбыз  
Болгъанды къарангы кече,  
Ышармайын бизни къашларыбыз  
Зоргъа болмагъанды ёльче.

Джюрекден:—Сау болсун Сталин,—дейме—  
Къартлагъа тынчлыкъ берген,  
Джаш тёлюню къуанчлы ёсдюрюб,  
Джашауну эшигин кенъ керген.

Джер джашлыгъы—джашиль джазды, джашым,  
Сизни джашлыгъыгъыз андан джарыкъды,  
Ленинни мураты—коммунизмде  
Джашлыкъ бютюнда бек джашнарыкъды.

Поэзияны сен жарыкъ джюрегисе  
Ёмюрлюкке тохдамай ишлерик.  
Литератураны жарыкъ кюнюсе  
Таякълары жарыкъ, инакъ тиерик.  
Булбул таушлу эркинликчи сёзлеринь  
Россияны хар джерине джетгендиле.  
Къалмукъ, Малкъар, аны кибик Къарачай  
Къыйынынъы тиллерине кёчюргендиле.  
Сен суйген халкъ эм джаш тёлю  
Къыйынынъы минъле бла окъуйдула,  
Зор дунягъа къаршчылыгъынъы кёрюб,  
Къыйынынъы терен билирге талпыйдыла.  
Россияда джукъудан уяныб,  
Жарыкъ ышарыб, танъ атханды,  
Зорчу власть уалгъанында,  
Пушкин, атынъ толу джазылгъанды.  
Урунъанла коммунизм ишлейбиз  
Къызыл байракъны тубюнде,  
Жарыкълыкъ иште сен да болушуб,  
Хорлайбыз биз хар иште.

### МЕНИ КЪАЛАМЫМ.

Къамиш буунда  
Джырла джазгъан  
Сен темир къалам!  
Ачыкъла мени  
Джаш джюрегими  
Терен анъыларча  
Хар адам.  
Сени джюрютген  
Поэтни къолуна  
Бойсун, сен тюз ишле!  
Джырларында къанлы джауну  
Этин отсузлай тишле!  
Мени джуртума

Керек кюн  
Сени кылычха бурурма,  
Къанлы джауу кеси чегинде  
Джюрек аузундан урурма.

### КОЛХОЗЧУ ТЫШЫРЫУНУ ДЖЫРЫ.

Кѣб джылланы патчах къолда  
Зорлукъ тюбюнде джашадыкъ,  
Дуня джарыкъ кѣрмейин  
Хаюанлагъа ушадыкъ.  
Кѣб джылланы бугъоу кесди  
Тильсиз этиб тилими,  
Ненча джылны зорлукъ басды,  
Мугур этиб белими.  
Ненча джылны моллала дарман  
Бузду тазâ къанымы,  
Ненча кере тюйме кысды  
Рахын этиб санымы.  
Ненча джылны къанла саркъды  
Залимлики джолунда.  
Ненча кере джыламукъ акъды  
Патчахлыкъны къолунда.  
Кѣкню тутуб къара тубан  
Джерге джарыкъ иймейин,  
Ненча кюнум къаранъы батды  
Джарытыб кюн тиймейин.  
Кѣк кюкюреб, шыбыла уруб,  
Кир хабчюкле кюйдюле,  
Кюнню алтын таякълары  
Бизни инакълаб тийдиле.  
Уруннъанла толкъун болуб,  
Бары бирден къобдула.  
Къолларына саут алыб,  
Бирден джауу гъа чабдыла.

Класс кюрешни фронтларында  
Джаула кючлю сындыла,  
Тышырыула да зорлукъну  
Тюбюнден ычхындыла.  
Социализм къурауѓа биз  
Кючюбюзню салѓанбыз,  
Къошулуб кърал оноуѓа  
Эрле тенъли болѓанбыз.  
Кёб джашасын компартия  
Бизге эркинлик берген,  
Насыб джашауну эшигин  
Бизни ючюн кенъ ачхан!

---

## ОГЛАВЛЕНИЕ

	<i>Бет.</i>
Ленинни памятниги . . . . .	3
Сталиннъе . . . . .	4
Ленинчи джаш аскер . . . . .	5
Ленинчи комсомол . . . . .	8
Насыблы къызла . . . . .	9
Чекчи Заурну Зариятха письмосу . . . . .	10
Испан джашчыкъ . . . . .	11
М. Ю. Лермонтовгъа . . . . .	12
Мени шахарым . . . . .	13
Ана джуртум . . . . .	14
Туугъанса ёльмезге . . . . .	15
1-чи Майгъа . . . . .	16
Призывникни джыры . . . . .	17
Сталинский геройла . . . . .	—
Сталинчи ёмюрню тышырыуна . . . . .	18
Сулейман Стальскийге . . . . .	19
Мени республикам . . . . .	20
Тамбий кель . . . . .	21
Меннъе сыйлыды . . . . .	22
Ананы сёзю . . . . .	24
Поэзияны кюню . . . . .	25
Мени къаламым . . . . .	26
Колхозчу тышырыуна джыры . . . . .	27

Ответственный редактор  
*Т. К. Ортабаев*

Технический редактор  
*Д. Б. Байрамкулов*

Ответственный корректор  
*М. Т. Гогуева*

Сдано в производство 4/VIII-39 г.

Подписано к печати 13/VIII-39 г.

Форм. 70x110<sup>1</sup>/<sub>2</sub>. Тип. зн. в б. л. 2080

Печ. лист. 0,93

Уч.-изд. 0,78. Заказ № 3894


Уполн. Каробллит К—15753

Тираж 2000

Каробллициздат № 21.

Выход в свет август 1939 г.

Проверено 1941



Багъасы 15 н. ~~н.~~

360 19

2к.